

重刊清平縣志

重刊清平縣志

卷五  
祭譜暨義舉  
公業附

政事部

田賦鉛厰附

因田制賦計丁出役國有常經清平山多田少每歲賦出不敷兵糈並將丁銀改徵秋米邑之瘠薄可知宰斯土者當無忘撫字勞而催科拙也

原額田壹萬陸千叁百捌拾陸畝捌分貳釐貳絲肆忽叁微壹塵壹纖陸渺又乾隆肆拾捌年分新墾額外田貳拾肆畝肆分二共額田壹萬陸千肆百壹拾壹畝貳分貳釐貳絲肆忽叁微壹塵壹纖陸

渺每畝各則例科徵不等共該原額本色秋糧米壹千柒百柒拾柒石肆斗叁升伍合捌勺

原額條編歲用等銀貳百零陸兩伍錢叁分

原額馬館銀壹百貳拾貳兩貳錢貳釐內實除荒蕪

田肆千陸百玖拾畝陸分伍絲無徵本色米貳百

伍拾伍石捌斗壹升壹合玖勺又康熙叁拾玖年

以後新墾田畝題請減則無徵米壹百叁拾玖石

陸斗柒升叁合捌勺實在成熟盈減則田壹萬壹

千柒百貳拾畝陸分壹釐玖毫柒絲肆忽叁微壹

塵壹纖陸渺有徵本色米壹千叁百捌拾壹石玖

斗伍升壹勺有徵條編歲用等銀貳百零陸兩伍錢叁分有徵馬館銀壹百貳拾貳兩貳錢貳釐

原額餘租幫解全徵銀壹拾柒兩貳錢捌分肆釐

原額徵糧徵銀全熟民田肆千捌拾伍畝肆分肆釐玖毫伍絲每畝起科本色米伍升肆勺玖抄伍圭起徵條編銀貳分柒釐壹毫叁絲叁忽伍微肆塵叁纖馬館銀貳分玖釐玖毫壹絲壹忽肆微伍塵柒纖共該原額全徵本色秋糧米貳百零陸石貳斗柒升陸合肆勺

原額全徵條編銀壹百壹拾兩捌錢伍分叁釐

原額全徵馬館銀壹百貳拾貳兩貳錢貳釐

原額徵糧不徵銀屯田陸千伍拾陸畝每畝起科本色米貳斗壹升捌合肆勺壹抄貳撮貳圭柒粒伍粟共該原額本色屯糧米壹千叁百貳拾貳石柒斗肆合柒勺內實際除古荒田伍百貳拾陸畝陸分叁釐壹毫伍絲無徵本色米壹百壹拾伍石貳升貳合捌勺又康熙三十九年以後新開田畝題請減則無徵米壹百叁拾玖石陸斗柒升叁合捌勺實在成熟田伍千伍百貳拾玖畝叁分陸釐捌毫伍絲內舊熟田肆千貳百伍拾畝叁分柒釐陸毫

有徵本色米玖百貳拾捌石叁斗叁升肆合叁勺  
減則田壹千貳百柒拾捌畝玖分玖釐貳毫伍絲  
每畝起科本色米壹斗玖合貳勺陸撮壹圭叁粒  
捌粟該有徵本色米壹百叁拾玖石陸斗柒升叁  
合捌勺

原額徵糧不徵銀科田壹百伍拾畝每畝起科本色  
米柒升貳合共該原額本色科糧米壹拾石捌斗  
內實除古荒田伍拾壹畝肆分陸釐玖毫無徵本  
色米叁石柒斗伍合捌勺實在成熟田玖拾捌畝  
伍分叁釐壹毫有徵本色米柒石玖升肆合貳勺

原額凱里司全熟徵糧徵銀民田壹千伍百陸拾畝  
叁分捌釐柒絲肆忽叁微壹塵壹織陸渺每畝起  
科本色米伍升捌合貳抄伍撮貳圭壹粒起徵歲  
用銀伍分玖釐肆毫肆絲伍忽叁微柒塵捌織壹  
渺共該原額全徵本色秋糧米玖拾石伍斗肆升  
壹合肆勺

原額全徵歲用銀玖拾貳兩柒錢伍分柒釐

原額臻洞司徵糧不徵銀田肆千肆百壹拾叁畝肆  
分每畝起科本色米叁升叁合叁勺叁抄叁撮叁  
圭叁粒叁粟共該原額本色秋糧米壹百肆拾柒



石壹斗壹升玖合叁勺內實除荒蕪田肆千壹百

壹拾貳畝伍分無徵本色米壹百叁拾柒石捌升

叁合叁勺實在成熟田叁百

畝玖分該有徵本色秋糧米壹拾石叁升

又額外舊熟乾田壹百貳拾壹畝伍分玖釐又乾隆

四十八年分新墾額外乾田貳拾肆畝肆分二共

成熟田壹百肆拾伍

畝玖分玖釐每畝起徵銀貳分該有徵銀貳兩玖錢貳分

原額餘租例係五所均派每所歲編銀貳兩共額全徵

餘租銀壹拾兩

原額幫解例係六所均派每所歲編銀壹兩貳錢壹

分肆釐共額全徵幫銀柒兩貳錢捌分肆釐

一起運項欸

原額本色秋糧米壹千柒百柒拾柒石肆斗叁升伍  
合捌勺內實除無徵本色米叁百玖拾伍石肆斗  
捌升伍合柒勺實在有徵米壹千叁百捌拾壹石  
玖斗伍升壹勺又條丁改徵米叁百柒拾貳石陸  
斗肆升玖合二共米壹千柒百伍拾肆石伍斗玖  
升玖合壹勺實在全徵銀叁百陸拾伍兩壹分陸  
釐內題請改徵米石銀貳百玖拾捌兩壹錢壹分  
玖釐

原額賑恤橋田陸拾陸畝壹分捌釐壹毫玖絲每畝

起科倉斗穀壹石共該原額本色倉斗租穀陸拾陸石壹斗捌升壹合玖勺內實除古荒橋田貳拾肆畝貳分肆釐柒毫叁絲叁忽無徵本色倉斗穀貳拾肆石貳斗肆升柒合叁勺實在成熟橋田肆拾壹畝玖分叁釐肆毫伍絲柒忽有徵本色倉斗穀肆拾壹石玖斗叁升肆合陸勺存貯邑倉賑濟額外孤貧

原額學田壹百貳拾柒畝捌分捌釐伍毫柒絲壹忽肆微每畝起科本色倉斗穀叁斗伍升共該原額本色倉斗學租穀肆拾肆石柒斗伍升玖合玖勺

內實除古荒學田叁拾畝壹分玖釐叁絲壹忽肆  
微無徵本色倉斗穀拾石伍斗叁升捌合貳勺實  
在成熟學田玖拾柒畝柒分柒釐陸毫肆絲有徵  
本色倉斗穀叁拾肆石貳斗貳升壹合柒勺存貯  
邑倉賑濟寒生

道光十三年奉前撫憲嵩溥行准戶部議覆護理  
貴州巡撫布政使麟慶奏稱貴州田少土瘠謀食  
維艱現在各處山場凡成片段之地久已墾熟起  
科其尚有可墾曠土類皆山頭地角零星瑣碎勸  
墾雖有成規邊氓每多畏阻推原其故蓋因貴州

有定畝升科之例未墾之先必須報官初墾之時  
倍費工本且山田夾沙帶石本非沃壤又乏山泉  
灌溉縱無旱勞收成已不能豐穩而一經墾熟報  
官查丈其應升科與不應升科雖例有明文仍須  
在人區別倘得明幹有司逐一親勘尙可公平若  
寄耳目於鄉保吏胥難免弊混此外尙有奸民私  
墾匿報因而里保有串詐包荒之弊矜棍有侵佔  
霸荒之弊互相爭控易滋事端所以樸實民苗甘  
於拋荒而憚於墾闢也查戶部例載邊省雲星地  
土聽民開墾永免升科其免科地數貴州水田以

不及一畝旱田以不及二畝爲斷又載雲南之山頭地角水濱河尾廣東之疇零沙地高州雷州廉州三府之山場荒地俱不論頃畝概免升科等語因思廣東有貨流通素稱富庶雲南雖處極邊山地沃衍兼產銅鹽度日尙易惟貴州民苗專賴山田謀食而開墾升科之例轉較滇粵爲嚴可否將貴州嗣後山頭地角零星荒土悉聽民苗開墾照滇粵之例不論頃畝概免升科等語臣等伏查黔省僻處邊陲跬步皆山土瘠民貧爲天下最每歲地丁雜稅等項僅徵銀拾貳萬餘至荒土隙地卽

令報墾升科亦屬無幾且因丈地升科而有吏胥  
朦混里保包荒矜棍霸荒諸弊以致樸實民苗甘  
於拋荒而憚於墾闢是於國家稅課既無裨益而  
於小民生計轉有阻碍該護撫所奏洵屬實在情  
形今既據奏請嗣後山頭地角零星荒土悉聽民  
苗開墾照滇粵之例不論頃畝概免升科查與邊  
省零星地土聽民開墾永免升科及雲南之山頭  
地角廣東之畸零沙地概免升科之例相符應如  
該護撫所奏准其將貴州山頭地角零星荒土悉  
聽民苗開墾照滇粵之例不論頃畝概免升科以

廣地利而厚民生並請

勅下貴州巡撫妥爲辦理俾窮黎踴躍爭先仍令俟開墾成熟後報明地方官給予執照存據庶免奸民侵佔之弊而杜異日爭競之端等因奉

旨依議

續輯同治十二三年平靖後經

總辦下游善後會

派員清查合邑田產釐訂後按

照原額糧數銀數均勻探派除屯田仍由屯衛官  
收納外其供粟米之征者於正供外加壹伍耗征  
收實米上倉平刮響撫不得折價以違舊制不得



浮收以傷民財其供力役之征以及歲用條編馬  
縮正額丁糧者均係三土司上納各符舊制定案  
真與爐山凱水益古矣

糧田約計叁拾萬挑之譜額征本色秋米及條丁  
改米總共實米壹千柒百伍拾肆石伍斗玖升玖  
合壹勺秋糧耗米變價銀壹百貳拾肆兩叁錢柒  
分陸釐

夫田三司約計拾捌萬陸千壹百肆拾叁挑後  
九寨給還與變賣之田約玖千餘挑夫名目照額  
數又額征歲用條編馬館正額地丁等項銀巖頭

司應納銀陸拾兩樂榜司應納銀貳拾柒兩壹錢伍分肆釐珠洞司應納銀貳拾柒兩壹錢伍分

鉛廠附

凱里濟川白鉛廠乾隆九年開採二十三年因硿老封閉新井灣廠又名永興黑鉛廠係附近窮民採煎易米度日原議於商販名下每百觔抽課鉛二十觔撥供下游各營兵領支操演按年彙入柞子廠報銷凱里縣丞抽收丹江廳總理藩司彙總嘉慶十一年奉撫憲福行知題撥永興鉛廠歸縣管

理

欽賜花翎四品頂戴特授貴州都勻府清平縣正堂陳 為

定章勒石以垂久遠事照得 本縣蒞任清邑收糧

老冊一概無存前據職員王世臣等公同稟請酌定

章程永遠照收實米平利響揚升合抄勺適如其數

盈除地盤樣米等情前來據此除 批所稟甚是仰

卽刻石立碑以垂久遠此後胥役人等如有瞞官舞

弊更改定章致滋流弊者仰卽指稟以便嚴懲切切

此批印發外所有明定章程六條合行示諭立碑以

垂久遠為此示仰閭邑民苗人等遵照自今以往務

宜各發夫良早完 國課庶不負本縣愛民除弊之

悉心也凜遵勿違特示

計開章程六條

一照定例征收實米其米以除壳斷碎乾圓爲度運者不收至於上米之時隨到隨收如有胥役留難仰即指稟定行嚴究不貸

一照定例九月初一日開倉本縣定於腊月底封倉以期年清年款

一倉前丁役等不能撈腹從公本縣已令局紳等就絕業內籌出樣米田壹百挑地盤米壹百挑其田交該丁役等自行管理收花以資辦公以後收糧

之時如有勒收地盤樣米者以蠹役詐贓論

一各戶上糧有以升合抄勺計者即照實數征收如數而止不准以升代合致病貧民

一斗面本縣准紳士等稟請定加鐵邊五分以包耗折不准堆斛淋尖違者重究

一串票斗糧以下每張取錢二十文斗糧以上每升加錢一文每斗加錢十文不准過取

光緒二年九月初一日閩邑紳民等公立



經費賞恤附

量入爲出制用常經清邑田賦無多入不敷出如驛站營屯暨府史胥徒各項經費仰給於公帑者夥矣若之何不節以制度而致傷財害民哉

知縣一員養廉銀伍百兩俸薪銀肆拾伍兩書辦十名無工食門子二名皂隸十二名民壯三十名禁卒二名轎傘扇夫七名斗級二名每名歲支工食銀陸兩共銀叁百叁拾兩

文廟春秋祭祀銀捌兩

春牛花鞭銀肆兩伍錢

教諭一員俸薪銀肆拾兩學書一名齋夫一名門子  
一名每名工食銀陸兩膳夫一名工食銀陸兩陸  
錢陸分陸釐喂馬草料銀陸兩共銀叁拾兩零陸  
錢陸分陸釐

訓導一員俸工銀兩與教諭同

縣丞一員養廉銀貳百兩俸薪銀肆拾兩書辦一名  
無工食門子一名皂隸二名馬夫一名每名歲支  
工食銀陸兩共銀貳拾肆兩

典史一員俸薪銀叁拾壹兩伍錢貳分書辦一名無  
工食門子一名皂隸二名馬夫一名每名歲支工



食銀陸兩共銀貳拾肆兩

貢生坊儀銀叁兩

廩生二十名每名膳銀伍錢餼米肆京石共銀拾兩  
米捌拾石

都司一員養廉銀貳百陸拾兩俸銀貳拾柒兩叁錢  
玖分叁釐玖毫玖絲陸忽薪銀柒拾貳兩蔬菜燭  
炭銀壹拾捌兩心紅紙張銀貳拾肆兩例馬肆匹  
春冬六個月每日肆分秋夏六個月每日叁分共  
銀壹拾貳兩陸錢肆匹共銀伍拾兩肆錢以上共  
銀肆百伍拾壹兩柒錢玖分叁釐玖毫玖絲陸忽

營千總一員養廉銀壹百貳拾兩俸銀壹拾肆兩玖錢陸分肆釐柒毫玖絲玖忽貳微薪銀叁拾叁兩叁分伍釐貳毫捌微例馬貳匹共銀貳拾伍兩貳錢以上共銀壹百玖拾叁兩貳錢

把總三員每員養廉銀玖拾兩俸銀壹拾貳兩肆錢柒分壹釐薪銀貳拾叁兩伍錢貳分玖釐例馬貳匹銀貳拾伍兩貳錢共銀壹百伍拾壹兩貳錢三員共銀肆百伍拾叁兩陸錢

外委三員每員養廉銀壹拾捌兩馬餉銀貳拾肆兩馬乾銀壹拾貳兩陸錢共銀伍拾肆兩陸錢三員

共銀壹百陸拾叁兩捌錢

馬戰兵叁拾捌名內額外外委二名每名馬餉銀貳拾肆兩兵操馬叁拾捌匹每匹乾銀壹拾貳兩陸錢共銀壹千叁百玖拾兩捌錢

步戰兵壹百捌拾陸名每名餉銀壹拾捌兩共銀叁千叁百肆拾捌兩

步守兵貳百貳拾名每名餉銀壹拾貳兩共銀貳千陸百肆拾兩

馬戰守兵肆百肆拾柒名道光十二年奉 文裁馬兵壹名戰兵肆名守兵肆名補陝甘營每名米叁

石陸斗共米壹千伍百柒拾陸石捌斗遇閏加增

小建扣除

清平驛額馬伍拾匹每匹日支草料銀伍分歲共支

銀玖百兩月釘腳蹠一付每付價銀肆分捌釐歲

共支銀貳拾捌兩捌錢月用藥餌一服每服價銀

肆分捌釐歲共支銀貳拾捌兩捌錢每年製鞍轡

貳拾付每付價銀陸錢肆分共銀壹拾貳兩捌錢

製馬厯伍拾塊每塊價銀壹錢陸分共銀捌兩製

鐮刀伍把每把價銀叁錢貳分共銀壹兩陸錢修

葺馬棚叁間每間價銀壹兩貳錢共銀叁兩陸錢

馬夫貳拾伍名每額日支工食銀肆分歲共支銀  
叁百陸拾兩每年額馬廩糧銀伍百柒拾貳兩捌  
錢柒分叁釐叁毫每季買補倒斃馬捌匹歲共買  
補倒斃馬叁拾貳匹遇閏增貳匹每匹價銀壹拾  
肆兩歲共領買補價銀肆百肆拾捌兩遇閏加貳  
拾捌兩

運餉長夫壹百名每名日支工食銀肆分歲共支銀  
壹千肆百肆拾兩

以上清平驛歲共支棚鞍屐鏹腳蹠藥餌草價馬  
夫站夫工食補馬廩糧等銀叁千捌百肆兩肆錢

崇分叁釐壹毫捌微遇閏年分除棚鞍屨劊四項  
不加增外應加增夫馬糧料腳蹠藥餌草價補馬  
等銀貳百柒拾伍兩伍錢柒分玖釐叁毫柒絲零  
凱里龍巖頭二渡設渡船二隻定例每年小修每隻  
需工料銀貳兩伍錢三年大修工料銀伍兩陸年  
折造除工料六折變價添用外每隻補給工料銀  
拾兩額設渡夫四名每名工食銀陸兩共銀貳拾  
肆兩

賞卹

順治十六年六月奉

詔發內帑銀陸萬賑濟貴州

康熙二十二年奉

詔免黔省本年秋冬及來年春夏應徵地丁正項錢糧二十五年免黔省二十六年應徵地丁錢糧並二十五年未徵錢糧

三十二年九月奉

詔免貴州雲南廣西四川應徵銀米

三十三年四月免雲南貴州四川均賠無着鹽課銀壹萬玖千餘兩

四十二年三月十八日恭遇

萬壽

恩詔免雲南貴州四川廣西四省四十三年分應徵地丁各項錢糧賜老人七十以上者許一丁侍養免其雜派差徭八十以上者給絹一疋絲一觔米一石肉十觔九十以上者倍之至有百歲者題明給與建坊銀兩

四十八年三月十一日欽奉

恩詔賜老人絹餅肉米悉如四十二年

恩詔之數

五十二年三月十八日恭遇



萬壽賜老人絹絲米肉悉如四十八年

恩詔之數

六十一年十一月二十日欽奉

恩詔賜老人絹絲米肉悉如五十二年

恩詔之數

雍正元年正月十二日奉

上諭老人九十以上者州縣不時存問其或孤寡及子孫  
貧不能養贍者督撫以至州縣設法卹養或奏聞動  
用錢糧務令得沾實惠

八月十三日欽奉

恩詔賜老婦七十以上者給與布一疋米五斗八十以上者給與絹一疋米一石九十以上者倍之百歲者題明給與建坊銀兩

二年五月奉

上諭各省督撫轉飭有司勸募好善之人於通都大邑人烟稠集之處照京師例設立普濟堂育嬰堂養老存孤

七年七月二十五日奉

上諭將庚戌年貴州額征地丁銀柒萬肆千貳百兩零悉蠲免

十三年八月初三日奉

上諭着將今年黔省錢糧通行蠲免其被賊殘害之州縣  
蠲免三年錢糧若有已徵在官者准抵下次應徵額  
賦

雍正十三年奉

旨賑卹難民口糧米折寒衣等項銀肆拾伍萬壹千貳百  
叁拾捌兩陸錢壹分零被水災民米折並借給牛具  
籽種銀肆千零柒拾捌兩柒錢玖分伍釐借給週難  
民牛具籽種銀貳萬壹百貳拾貳兩伍錢貳分肆釐  
零借給復業難民麥種及運腳等項銀叁千陸百貳

拾兩柒錢肆分柒釐肆毫零

雍正十三年九月初三日欽奉

恩詔賜老人絹繇米肉悉如雍正元年

恩詔之數

乾隆三十五年及四十三年地丁錢糧欽奉

恩旨全行蠲免

乾隆四十三年奉部議將丁差銀壹百叁拾兩壹錢捌分捌釐在於田畝內攤派減征

乾隆五十六年地丁錢糧欽奉

恩旨通行蠲免

乾隆六十年欽奉

恩旨蠲免地丁十分之三銀柒百玖拾貳兩壹錢貳釐

嘉慶元年欽奉

恩旨蠲免地丁十分之二銀伍百貳拾柒兩肆錢伍分伍釐捌毫賞老民米三石軍民七十以上者許一丁侍養免其雜派差使窮民無力營葬亟無親族收瘞者該地方官擇隙地多設義塚隨時掩埋無使拋露  
嘉慶十四年十月恭逢

萬壽

恩詔漢兵丁七十以上者賞銀叁兩捌拾以上者賞銀伍

兩九十以上者賞銀捌兩百歲者題明建坊軍民七十以上許一丁侍養免其雜派差役八十以上者給與絹一疋緜一觔米一石肉十觔九十以上者倍之百歲者題明旌表

嘉慶二十四年十月恭逢

萬壽

恩詔賞賜悉如十四年

恩詔之數

道光元年欽奉

恩詔賞賜悉如嘉慶元年

恩詔之數

道光十五年恭逢

皇太后六旬萬壽

恩詔賜老民絹絲悉知道光元年

恩詔之數

賑恤寒生十二名舊奉成例共給米拾石零貳斗

養濟院城南門外收養孤貧十四名共給米叁拾捌石壹斗陸升鹽米絲衣褲共給銀拾捌兩柒分

按縣屬孤貧除正額六名口外乾隆四十六年前令雷收養額外十四名口道光十八年奉

閣督部堂伊札開黔省各屬於正額額外孤貧之

外不敷收養札司移行道府督飭廳州縣酌數捐添  
以恤熒獨益令以後無論正署照數捐給按年造冊  
詳報等因遵卽捐廉增收額外孤貧四名口詳請立  
案

棲流所城北門外道光十七年候選知縣劉耀菽等

佶達

續寧光緒四年

知府余雲煥辦碶屯局改建棲

流所三間於南明外街下



積貯

穀六府之一餘三餘九存七糶三爲積故也清平社穀不甚多額貯溢額盈分貯凱里額穀約肆萬石所以備緩急者至矣修因倉慎筦鑰有司牧之責者盍凜諸清平縣原積貯穀叁千石重農穀伍拾叁石

欽奉米壹拾肆石穀陸拾玖石

雍正十三年苗賊  
陷城被燬

黔省通貯常平倉米穀乾隆初年前督張廣泗奏請以軍需餘銀買米貳百萬石分貯各府廳州縣苗疆地方以備緩急二十七年二十七年年前撫兩次奏減四十三年署藩司永慶奏請仍照舊額買補貯倉

清平縣額貯米壹萬伍千陸百肆拾伍石玖斗陸升零  
又溢額穀折米玖石係歷任官捐輸重農案內穀  
又社穀壹百肆拾捌石陸斗柒升零

凱里分縣額貯米陸千貳百玖拾柒石壹斗肆升  
續輯清凱積穀乙卯苗變發給守俾供兵練已盡城隨

陷同治十二年苗平

總辦下游畚後曾收牛租穀約計京斗七千餘石作  
爲常平穀以備荒歉惠政也丙子年經官紳以霉  
壞變賣仍買穀填倉清城倉實存京斗穀壹千五  
百叁拾餘石凱城倉實存京斗穀壹千陸百石

義倉

乾隆中謝宰家懋倡設積穀倉穀柒拾餘石倉建城東魁星閣酌派殷實方正紳士管理嗣因借貸人戶逃亡益挪移辦理公件虧缺無存倉尋燬

清邑向有公田貳坊一在北門外黃土坡甲大小玖

坵土貳幅每年應認租米伍倉石一在老董月亮

坡田大小五坵每年應認租米壹倉石貳斗伍升

二共米陸石貳斗伍升道光十七年經縣查出傳

各佃戶取具佃租各結在卷歸公徵收以作支給

額外孤貧寒衣之費益將地界租數勘碑縣署永

遠存照

續輯光緒五年奉

署撫部院林札縣主吳飭地

方官籌辦義倉穀以備歉荒各貯各堡寨公倉由  
該地方公正紳士者民管理業經各紳士公議照  
糧探派每糧壹斗捐穀貳斗惟隆昌三堡糧重每  
糧壹斗捐穀壹斗各起倉收存以救荒歉惠政無

虛焉

大風碓義倉穀壹千叁百伍拾伍石伍斗係碓

辨碓屯楊將屯穀作爲義倉穀經

官保岑 札縣列入交代

學校

清平明初領以指揮成以屯戶人鮮知學洪武中建  
聖廟置教官學制幾備逮我

朝重道崇儒頒

聖諭卧碑暨各經文存學益設書院義塾聽地方增置學  
田教養之澤溼矣士其勉旃

清平縣學在城北門內舊爲衛學明正統八年指揮  
石宜建正德十三年參議蔡潮拓地增修

大成殿左右兩廡前戟門櫺星門石甃泮池左右列禮門  
義路建名宦鄉賢祠於戟門左右後爲

啟聖祠又後爲義塾閣祀

文昌左右齋祀忠孝節義前明萬曆七年提學凌瑄重修  
國朝康熙十一年改爲縣學後燬二十六年知縣許國幹

訓導毆陽琛重建

康熙二十四年頒

御書萬世師表匾額

雍正元年追封

先師孔子五代王爵改啟聖祠爲崇聖祠五年頒

御書生民未有匾額九年知縣胡珩然增修

乾隆三年頒

御書與天地參匾額苗燮燾總督張廣泗題修

嘉慶元年頒

御書聖集大成匾額

大成殿邑人張鼎鑑李光輔重修東西廡及

大成門忠孝節義兩祠闔邑修禮門義路李傅基修  
崇聖祠孫懋昭倡修

道光元年頒

御書聖時中匾額禮門義路五年闔邑人士重修

續輯道光二十三年邑太史劉蔭堂倡闔邑捐資重

修後基書院考棚規模宏敞咸豐元年頒

御書德齊覆載匾額五年苗變燬同治元年頒

御書神聖天縱匾額十年稟

藩憲黎懇復還舊址蒙

批仰候轉飭清平縣查核辦理

可也十二年李委冒匪奎勸縣署基址以北易南  
仍復前明舊制十三年

奏辦下游善後總局會捐資倡修

大成殿逾年告竣光緒元年頒

御書斯文在茲匾額六年春署清平縣段

復派紳士籌

款修建不濟因稟將九寨公田六千餘挑悉數賣  
與九寨甲首當堂議價每挑淨銀六錢共得價銀



參干柒百餘兩於五月興工裝修戟門崇聖祠兩  
廡復添建兩廡二間碑亭二所禮門義路牌坊二  
座鄉賢名宦各三間移石櫺星門一座泮池礮三  
洞內建花牆外建黌牆自大成殿天井高坎戟門  
下高坎梯坎周圍圍牆宮右牆外另闢基數十丈  
立昭忠節孝兩祠各三間後修奎閣上建文昌閣  
五間龍門左右考棚各三間廚房看司房各二間  
門樓一間惜局勢太寬經費不敷各處海幔未能  
一律修理爲歎耳

經劫古碑益石櫺星門記

張時杰

雍正乙卯之亂惟大成殿暨啟聖宮無恙謂非  
于刃足以格兩堦而鬼神為之呵護歟洎乎咸豐乙  
卯廟宇俱燬兵燹獨碑與櫺星門嶄然於荒烟蔓草  
中迄今由北移南珍珉完書一加洗刷堅光如新於  
歲亂經廿餘載竊幸留此古蹟從此劫經三卯共祀  
億萬斯年凱水俱長爐峯壺古居斯土者當勿忘  
聖天子重道育材綏邊敷化之至意也乎賢宰碩人必  
有所以維持於不做者矣

學校田

一劉黨莊原田分收捌拾稱荒壹稱每稱該白米市  
斗壹斗捌升舊係縣食公田康熙三十九年縣主  
申報發學以充祭費

一密西莊地土乾隆年間因陳李二姓互控爭佔經  
前縣主雷番斷歸學認租以供

聖廟春秋二祭太牢之費

一乾莊有地無田邑庠生王台鼎捐入學宮被狎獫  
寨侵佔本學詳明本府魏奉批麻哈州吳審結立  
碑招民住坐每年春秋二祭供油蜡銀肆兩叁錢

不應差役嗣住民於莊內墾植田園控經上憲每  
年加供祭油蜡銀捌兩共銀拾貳兩其田園准其  
往守不准當賣

一老君寨堤中白蜡田一坵出穀叁拾餘挑又黃蜡  
田一坵出穀壹石伍陸斗張鼎鑑捐作

文廟朔望香燈之費

一望春原田土認白米捌稱黃豆陸斗給齋長辦公  
日食

一貝羅原田分收陸稱

一洛邦鋪前藁魚塘二口每祭供魚伍拾觔今改爲  
田

一中華堡原田分收貳拾貳稱因附近居民占佃只認拾捌稱貳拾稱不等嗣僅供銀壹兩捌錢

一后碕原田分收捌稱尋荒作土

一二水交流原田二坵米二稱尋荒

一臻碕司鉛銀叁拾貳兩嘉靖十三年御史王杏示令存留修補學官今廢

一巖莊原田分收肆拾壹稱康熙十年都勻府黎公際皞率文武同寅及諸生孔元凱等栽培寒生

一大小官堤原田分收壹百伍拾伍稱半嗣因田倒塌盈歲荒歉實分收壹百叁拾玖稱明御史王杏

置道光十八年闕庠請學牒縣撥給賓興之費

書院田數

包家塘石家塘孟家山小翁壩上堡下寨名老鼠田及  
凱里下壩馬坡下馬坡卡塘又瓜樹等處田共載  
秋糧捌畝貳分屯糧叁畝墾糧壹畝歸書院過割  
上納酌派首士輪流收管貯倉作山長束脩及生  
童膏火有案

一上堡原田分收壹拾捌稱

一下寨原田分收壹拾陸稱因田瘠薄收叁肆稱等

一下寨原田白巖腳分收陸稱

報名田數

凱里東門外牛場堤西門下堤白水河田定案交學  
收管作歲科兩試報名費其田載<sub>三</sub>糧陸斗玖升  
壹合歸學過割上納有案

試卷田數

翁河及隔榜冲田定案交禮房收管作歲科兩試縣  
院正補考卷價其田載秋糧拾壹畝貳分歸禮房  
過割上納有案今田田荒蕪另撥近城田易此作書院田  
一石板寨原田捌稱減作柒稱首廩收食

一倒巖原田分收壹稱半作禮生田

一 都黎原田分收玖稱作禮生田

一 寺門橋原田分收肆稱作講樂田

一 尾把原田二十六稱嗣被欺隱只存田叁坵認米肆稱今移遠就近變買羅壘劉正田二坵每年分收白米八市斗作講樂田

一 羅言寨原田分收陸拾壹稱半明尙書孫文恭公置作生童考課飯食

一 羅言寨原田分收陸稱羅會氏置作生童考課飯食

一 樂綿原田分收壹拾捌稱後減作壹拾柒稱



一上寨原田分收肆稱後收白米肆斗顧聯捷聯飛  
置

一瓦窰原田分收壹拾捌稱

一打牙原田六稱被水衝壞減作貳稱

一中寨原田分收拾稱半

一小都圍原田分收六稱半

一下堡乾田壹坊隨歲豐歉分收

一洛邦大路坎下田二坵土一幅係彭姓入籍捐置  
每歲臨田分穀

一洛邦塘原田分收貳稱

一楊柳冲原田叁稱濫泥溝原田肆稱嗣被欺隱乾隆五十八年查出

一兩岔河原田壹坵分收拾壹稱

一下堡原田分收壹拾貳稱因係乾田減作拾稱玖稱不等康熙三十六年初入籍者送闔學公禮銀與李杞買作祀生田

一城東北門內有隙地一幅每年收租東門伍錢北門叁錢備文昌宮香燈之用

一城東門舊有魁閣基址一幅半開作田後招人住坐每年收租錢壹千文備魁閣香燈之費

一老鴉山莊孫文恭公祭田明巡撫部 捐置日久  
不無荒失現計田一百八十八畝歲出租米八十  
稱應納糧四畝二分由縣酌派孫氏後裔管理供  
春秋祭費

書院報名試卷田冊各欸

書院舊係義學明洪武間設

國朝乾隆二十五年張令衡改爲書院院上

文昌閣左正心齋右誠意齋中崇雅講堂嘉慶十七年邑  
人張鼎鑑重修

文昌閣道光九年張令鎮重修講堂新建春風樓左左上

三樂齋左左申祿在齋左左下逢源齋前席珍門

續輯道光十五年鄉宦劉蔭棠倡合邑捐資拓地增修

於

文昌閣下去崇雅堂春風樓改建試院前爲龍門後爲試  
堂左右爲號座閣左爲書院凡三層每層左右各有  
書齋視前之三樂祿在更輝閣矣乙卯苗毀

總辦下游善後會於北門內創修公屋三層共十七  
間尋即申詳以作書院益以所造街下餘屋作生童  
膏火後此屋經碯屯局添建作住屋復經總辦碯屯  
局楊 買作孫文公祠其地基義舉局撥田掉償

風俗

清平古苗疆苗俗獠狂不與華同餘自他省寄跡於斯者凡冠婚喪祭交際宴會大率沿襲祖籍遺風

國家累洽重熙訓以農桑澤以詩禮卽苗民亦知用夏變夷宰斯土者慎毋諉爲免俗未能也

苗獠錯處種類不同俗尚亦異省志

聲教所被士知讀書民皆興行通志

民務稼穡習尚從儉士敦詩書彬雅廉潔舊志

元日桃符門丞祀天地祖先往來賀歲戶各以糯米

作食品相遺

元宵賞燈宅初八九日星橋火樹簫鼓踏歌至是日

極盛

二月二日 天門土地誕士民共祝

二月三日 文昌聖誕士民競祝

清明祭墓近者男女長幼咸集盆於墓旁煮食牲醴

三月三日俗傳保寨土地誕比戶祭賽

四月八日浴佛日農家多有飯烏米者

端陽門插艾蒲飲雄黃酒角黍互饋

六月六日曬衣服書籍俗傳秧苗土地誕農家比戶

祭賽

七夕乞巧

中元自初十日起至十五日止祀祖先焚楮鏹

中秋瓜果餅祭月

重陽登高比戶釀酒

九月二十七日俗傳五顯靈官誕日集百戲具金鼓  
旗蓋迎賽觀者雲集

按黔俗信鬼五顯會尤爲習查縣屬凱里等處  
每屆會期男女老幼踴躍街衢人命出其中爆竹  
香烟薰灼門巷火災出其中觀者近則戶局遠則  
野宿盜亦出其中金聞先後數日親友豆觴

家耗費皆此會爲之屢出示禁念稱不如是年  
驅癘疫祈福禱神如有知祈禳可也報賽可也  
馬有踏木腳昇泥塑眩世駭俗舉市若狂乞媚於  
聰明正直之神哉今與吾民約速行懺悔慎勿效  
尤

十二月八日俗語臘八宰猪半作脯二三四日祀  
竈

除夕爆竹除舊桃符更新享祀祖先老幼飲團圓酒  
婚嫁先通媒妁女家既諾男家卜日納采將娶則請  
期納幣而後迎焉其儀物豐儉各稱其力但不親



迎耳又家貧不能婚娶抱養弱女過門爲媳洎長  
母家嫌貧才唆反目間有悔盟構訟情事抑或夫  
亡再醮夫家母家爭索財禮此種風氣近未悉除  
冠禮久不復惟成童時父兄師長取字易名亦責成  
人之遺意

喪葬有方之家停柩或一月半載延堪輿相地卜日  
開喪弔客皆宴酬無力者絞衿棺衾亦稱其家隨  
時安厝至崇信釋道建齋誦經其風固大概相同  
也又近多不預期買山兼溺於風水聽信堪輿指  
點盜葬盜窆經發覺後始求價買如遇業主訐訟

不已官斷起遷益治以應得之罪雖悔何及戒之  
戒之

祭祀豐儉隨力第愚民多有祭非其鬼者

宴會舊尚儉約服飾亦崇樸素今客民雜處漸趨華靡古風日漓亦有愛惜土物不爲習染者

男子爲士農者每戶不過一二人工賈負販居多近日士農均兼逐末

婦女富戶習鍼黹貧戶操井臼耒耜少事紡織

祠祀寺觀附

民和而神降之福民神之主也而致力於神即錫福於民况禦災捍患夙於民有大功德者乎清邑雖小亦神所憑依第謂黔俗信鬼祠祀得神道設教之意抑迂矣

社稷壇城南門外

先農壇城南門外

風雲雷雨山川壇城南門外

厲壇城北門外

名宦祠戟門外嘉慶十三年重建

鄉賢祠戟門外嘉慶十三年重建

忠義祠櫺星門左嘉慶十三年重建

節孝祠明倫堂外道光十八年知縣彭泰楠倡建

寺觀

玉皇閣三一城內創建無考嘉慶十五年僧寂秘修

一凱城東門外

一香爐山頂

續輯道光時有蔣正學抽糧爲生齒積多年增修葺  
駝殿玉皇閣咸豐乙卯蕪變均燬址尙存

聖壽寺城西明天順間指揮王聚建萬厯間工部尙

書孫應鰲修乾隆五十四年僧會司如茂重修

續輯聖壽爲城中諸寺之冠殿宇巍峩中大雄殿尤爲聳拔四面皆石甃石洞列五百阿羅漢咸豐苗變燬石洞四猶屹立嗣被折迨盡矣

紫霞宮城北門內明天啓七年指揮石宣建嘉慶八年閭邑重修

壽佛寺三一城東乾隆九年唐志運倡建乾隆五十七年邑令張煊重修

一凱城 一拔茅堡

文昌閣五一城內創建無考嘉慶十六年監生張鼎

具志卷五  
三三  
鑑重修

續輯乙卯苗燬光緒七年改修於南門內學宮側

一凱里城南乾隆十五年監生孫紹謨建

一紅坳嘉慶十二年貢生唐鳳翥建

一雲溪洞道光十三年主鄖建益置焚獻田

一拔茅堡修不知自何時厯劫尙存

續輯拔茅文昌閣乙卯苗燬猶存壬申大軍下兵練

燬之己卯年重修

關帝廟十五一城內塲壩口創建無考乾隆六年邑  
令劉樵修嘉慶二十四年闔邑重修

一南門外

一凱里城

一五里橋

一天然洞

一洛邦塘

一平初堡

一羅仲塘

一大風洞

一老董塘

一老君關

一代支

一螃蟹

一拔茅堡

一平良

續輯乙卯苗變均燬同治十三年亂靖後城內場下

基址總辦善後局會合營官同建拔茅平良均已  
修建

觀音閣一在水米莊乾隆五十二年段爲恭建盃置  
焚畝田約出穀二十餘市石

觀音寺五一城南門外李劉氏因夫之嗣於雍正七年捐建竝捐田畝以供焚獻乾隆五十九年許國彥重修

一觀音坡 一洛邦 一都黎寨 一拔茅堡

三聖廟四一城西門內道光七年闔營創建

一凱城西門外 一平良 一翁蕩

天后宮凱城內

萬壽宮三一城中乾隆間江右人創建道光十年重

修 一凱城 一老馬場

續輯乙卯苗變均燬同治十三年清城建正殿於前



之過廳馬場復修建

魁星閣三一城內乾隆二十年蔣瑤倡建道光二年  
劉蔭樾倡邑人士移建東城前址屬焉

一觀音坡

一拔茅堡

續輯乙卯苗變均燬光緒七年改修於學宮右

廣福觀城南門內又名迴龍寺嘉慶八年尼僧靜慧  
靜靈合建

續輯此基近典史署地左側乙卯苗變燬址猶存  
準提閣凱里城東外

永祥寺雲溪洞左建自前明內供關帝像雍正乙卯

年苗變火燎民居寺皆灰燼帝君像巋然獨存邑

侯劉樵復倡建並泐碑記其事

續輯乙卯苗叛燬今復修建

元真觀爐山頂

三官閣三 一龍頭河

一拔茅堡

城隍廟六一城內創建無考苗叛燬乾隆六年縣令

劉樵修五十四年合邑重修

一凱里城

一拔茅堡

一淑里堡

一萬潮堡

一香爐山

馬王廟縣署後

續輯向在南城今遷北城

川主廟凱城西

五顯廟七一東門月城內一一品街嘉慶六年移建

一五里橋

一降昌堡

一落登塘

一凱里城

一平良

續輯

一品街廟門前舊有百菓樹二株古幹參天大

數十圍不知歷年幾許矣對面城隍廟側有杪羅

木一株輪囷蒼天實結人形頭綠身紅高大亦差

等尤樹中之罕見者今昭忠祠處先亦有百菓樹

一株高不及而大則過之三處古樹如畫菁英特

萃爲城中巨觀乙卯苗叛俱墮劫灰感物者所爲  
唏噓太息也

龍王廟二一城南四里山坡塘堰俱以龍名創建無  
考嘉慶二十四年合邑重修 一城內

續輯一城內通靈井側道光癸卯年邑侯汪公創建  
廟側添建 水星閣及水亭水卡咸豐苗變燬松  
竹幾盡惟圓埠猶屹立焉

漢相祠縣署前

李王廟城中街創建無考乾隆五十八年重修  
財神廟三一本城場塢嘉慶八年都勻府知府吳民

秉倡修

一淑里堡

一拔茅堡

續輯今城中建於場坵之上

孫文恭公祠北城內祀明尙書孫應鳌雍正十三年燬於逆苗尋修之

續輯咸豐苗變燬址猶存郭公之澤不可滅也今辦礪屯局楊購公所以給之

蔡公祠在石仙山祀明叅議蔡潮久圯



兵防師旅考附

先王耀德不觀兵然兵可百年不用不可一日不備  
清平營駐凱里洗分邑城腹內地不煩重兵故也又  
舟溪龍場開懷諸屯堡碁布方隅遙相犄角規模抑  
何宏遠哉

明

清平衛城守兵四十名防守蘆葦等十二哨共哨兵  
一百五十六名

國朝

初設凱里都司一員千總一員把總二員兵二百八

十名雍正八年改汎乾隆二年復設營增設把總  
一員增兵共六百名乾隆七年裁兵一百名四十  
七年又裁各官養廉公費兵五十三名實額兵四  
百四十七名內馬戰兵四十一名步戰兵一百八  
十六名守兵二百二十名

存駐凱里都司一員千總一員把總一員外委一員  
兵二百五一四名

分防清平汎把總一員外委一員兵九十七名

分防排養汎把總一員兵六十九名

分防爐山汎外委一員兵二十七名



屯制

凱里衛千總一員駐凱里城屯田十三堡屯軍一千

三十六戶屬丹江廳轄

悅來堡屯軍一百二十戶

懷恩堡屯軍七十戶

樂土堡屯軍八十戶

樂郊堡屯軍九十四戶

濟川堡屯軍六十戶

惠澤堡屯軍四十六戶

威遠堡屯軍一百戶

永甯堡屯軍八十戶

樂登堡屯軍六十戶

樂安堡屯軍七十戶

千箱堡屯軍八十六戶

臨江堡屯軍一百二十戶

懷遠堡屯軍五十戶

師旅考

元泰定二年播州凱里苗率諸寨苗爲亂播州宣慰

楊燕里不花諭降

明洪武十九年都勻散毛散狗二蠻叛涼國公藍玉

遣鳳翔侯張龍討平之

三十年五月楚王禎湘王柏率都督張文等征清平  
黔陽古州諸蠻悉平之

景泰元年命保定伯梁瑤佩平蠻將軍印督師剿蠻  
先是正統中兵部尙書王驥征麓川悉調貴州兵  
以行久之諸苗反驥還討擒酋富撓等獻俘尋  
以老病告歸使侯璉代之璉駐師雲南梁瑤奉命  
自湖廣入貴州時王驥候代未行並勅協剿於是  
副總兵田禮進兵解于越圍侯璉調都指揮鄭儁  
等剿水西梁瑤調雲南兵援安南衛遂克安南等

二十餘寨降阿蒙等五寨賊復圍平越璉回兵擊  
卻之分哨七盤坡羊腸河揚老堡解清平圍仍哨  
清平迤東至重安江與王驥兵會自是隆安至鎮  
遠道路皆通而普定之圍未解璉自將至普定疾  
戰賊大敗驅之時田禮等以兵來會遂大破龍里  
窺橋及新添平越清平都勻諸賊貴州平

二年三月苗酋蕭同烈據香爐山叛右都御史王來  
討平之先是安莊女苗撒得爲土舍林天仲妻不  
相能值富蠱倡亂得乃挾士兵三人牛四頭從富  
蠱圍平越蠱感之迎得巨魯寨潛與得通住三日

許事成爲后會王驥征麓川歸乃擒蠱並得解京  
師時香爐山賊惟蠱與韋同烈最强天仲憾妻得  
奔蠱會借同烈兵殺得不克至是得自請於朝願  
爲香爐山向導立功贖死值于謙遣國初降番徙  
置河間東昌者令從征香爐山勒留南中以絕也  
先之應於是許得請第殺蠱而使得爲向導帥降  
番行且指之曰苗女之美如是也以歆之得乃引  
保定伯梁瑤直擣同烈巢擒之天仲戰死、

成化二十三年巡撫孔鏞誅清平苗阿溪阿溪者清  
平衛部苗獍多猜有養子阿刺饒斡力能披甲

三重躍地而起越三五丈兩人謀勇相資橫行諸  
苗間罔苗利劫商旅有官兵探捕者反爲之居間  
邀重賄否則捕達苗之不服已者強指爲賊鎮遠  
以下則黃納歲幣以爲之地鏞初到官患之詢之  
監軍總帥皆譽溪刺如一口鏞大怒親往清平訪  
部曲中最能者得指揮王通厯詢苗害始備言所  
以黃緣要上官者曰指揮王會總旗陳順也乃以  
會爲巡官使順誘溪刺出寨取之苗俗喜鬪牛順  
乃覓好牛置中道伏壯士百人於牛旁叢薄間乃  
入寨見溪因縱談鬪牛事順曰適見道中牛厯然

巨象也未審比公家牛若何溪刺遂牽牛聯騎出  
至牛所觀而喜之忽報巡官至矣順曰此乃王指  
揮耳溪刺往迎會伏兵起叢薄間擒之至鏞前溪  
垂首不語刺獨仰頭視鏞曰吾不畏千萬人獨畏  
孔公然不知擒我若是易也溪刺死存子窻都勻  
檄往擒之悉殪焉

正德十二年八月湖貴巡撫都御史秦金鄒文盛合  
兵討清平香爐山苗平之先是清平苗阿芴阿革  
於十一年據香爐山稱王逼攻興隆偏橋平越新  
添龍貴諸鎮道路皆阻巡撫曹祥檄諸路兵進剿

不克奏請總兵李昂及湖撫秦金會剿擒賊阿革  
阿義阿力而香爐山險百攻不能下乃雜製繩梯  
及鐵貓爬山虎諸具督令宣慰彭九霄彭明甫等  
選精銳緣崖而上拔木柵縱火焚巢斬賊首阿芴  
等乘勢剿黑苗破龍頭寨及都蘭都蓬密西代支  
馬羅擒酋阿茲等其天漂天壩黎從楊保苗平諸  
寨悉聽招撫復業者三千八百餘戶通撫三百七  
十五寨捷聞下璽書獎諭賞賚有差

萬曆四十七年清平興隆平越諸苗賊出劫官道巡  
撫李雲發兵剿之



天啟四年四月命右副都御史蔡復一代楊述中總督雲貴湖廣軍務兼巡撫貴州賜上方劍便宜從事時喪亡之餘兵食盡絀斗米銀八錢復一勞來拊循人心乃定召集將吏申嚴紀律遣總理魯欽等救凱里斬賊五百餘都勻凱里土司者運道咽喉也邦彥結諸蠻因其成長官楊世慰不能守復一遣魯欽及劉超救之拔賊凱里之巖頭寨平茶寨

五年六月復一與宗龍計劃剿烏粟螺蝦長田十五寨叛苗初至平越至興隆清平苗二百餘寨錯居其

間以長田之天保阿秧爲魁邦彥初叛卽授二酋  
都督使通下六衛聲息爲監軍按察使來斯行誘  
斬阿秧會阿秧弟阿賈與天保請兵邦彥復兄仇  
復一遣叅將楊明楷胡從儀三道進兵生擒天保  
阿賈俘斬先後賊魁五十四人焚一百七十四寨  
積年劇寇盡除

六年夏巡撫王瑊按傳宗龍遣兵平都勻麻哈諸  
叛苗初邦彥圍龍里新添皆藉其眾數出沒剽掠  
清平新添地方餉道爲梗平越知府周鴻圖都司  
張雲鵬率兵攻擺沙大寨破之

崇正十五年下衛苗仲復聚眾出劫官道屢發兵禦  
之不能制尋攻圍清平衛及黃平州叅將宋民倚  
擊定之

國朝

康熙十一年正月凱里苗亂尋撫定之

十九年十一月大師復貴州先是逆黨郭壯圖因三  
桂死擁其孫世璠屯貴州以拒大師洎定遠平寇  
大將軍固山貝子章泰統征南將軍穆占及各旗  
滿漢官兵由湖廣克辰龍關取鎮遠清平破僞將  
軍韓天福於平越世璠遁回雲南

四十年十月黃平革夷苗奴計羅九等拒傷凱里都司胡安國殺巖門土司何瓚遂巡撫王燕遣兵剿之奴計等伏誅

雍正十三年二月賊苗包利紅銀等聚眾爲亂四月二十一日陷凱里居民千餘家盡遭屠戮清平典史邵煥麟死之閏四月初七日賊陷清平大定府副將紀龍駐城外率兵逐之賊退城燬二十四日賊擁眾數十萬攻圍香爐山兵民固守月餘賊乃引退五月初三日賊復誘陷丹江沈千總劉文魁兵丁二百人盈家屬被害頗卜萬年以兵來援圍

始解是時新疆逆苗但掠得重貲尋回巢穴雖得  
城棄弗守內地附逆之苗悉聚重安江以塞要  
路提督哈元生檄紀龍哈尙德周儀等合兵攻之  
賊潰敗復重安驛二十六日復凱里元生乃自清  
平駐凱里檄兵分剿至九月清江丹江路通糧運  
無阻

乾隆元年正月張經畧自清江移節駐凱里調度諸  
將五月仍駐清江令左江鎮總兵王無黨署貴州  
提督駐巖門督理凱里一帶軍務六月丹江平令  
總兵韓勳等剿古州各寨逆苗七月古州平移營

分剿凱里等處悉平十月由清江遍閱古州上江  
八寨丹江等處旋節凱里新疆內地軍務全竣。

咸豐乙卯苗變託

孫茂檀

苗賊之患屢矣犬羊之性難化亦難防然禍患之成其所由來者漸矣溯自道光年間諸苗已不安靜不經懲創賊風漸張始而攔路搶奪繼則打家劫舍放火殺人愈積愈滋二十八年賊頭大阿七與九松及抱惡高惡等朋比爲寇後大阿七就擒毀其目抱惡亦就擒旋脫逃結連九松與弟高惡保惡輩率牛聚議各寨有不爲賊者毀其家故從賊者衆大肆劫殺先發凱里村寨漸及遠方幾蔓延不可制幸總理胡公林翼奉調駐凱前後斬獲千餘級擒抱惡送省磔之

賊風稍息咸豐五年三月遵義楊澂喜率二千餘賊竄清屬之拔茅堡次日攻撲之麻哈城不克繞鷄場鹿平而走官軍數千陸續尾追拔茅一帶無宿日四月凱棠凱少等寨苗同黃屬之革夷山丙滿散木刻相約以叛風聞時諸軍追勦楊逆暫駐重安乃不趁軍勦除通行遣撤有前招苗勇以勦楊澂喜者悉知官軍伎倆因撤歸遂湊合起事五月適學憲鮑按試都勻諸生稟懇咨請發兵勦除以救生民情詞慘切學憲潛然太息許代請兵以不見至逆苗沿途燒殺縣官秦奉勵偕苗生楊培滋隨同都勻府鹿親閱凱



崇等寨諸苗望風納款躡二主給以齊團旗而歸諸  
苗燒殺如故延綿數百里烟火蔽天遠近村落漸次  
灰燼大逼清城苗生楊培滋竟稱王事日急教諭何  
錦章激而請兵六月十六日承觀察圖協戎率兵數  
千抵清平紮城內諸苗聞風亦來投札局紳張昱設  
局於南城外之斗口寺招降但日給照票而已是月  
下旬鷄場團進攻上寨約會平安營團首黃槐請兵  
助之惟縣練百名同往庠生向英華文童陳觀光均  
陣亡七月初逆苗攻清城約千餘人軍民鼓噪告奮  
出賊退越三日又至衆倍於前承觀察派徐高兩軍

擊之賊尋退因遣守備黃倫元高天澤把總梁占鰲  
等率軍二千盃榜示在城鄉民同往合共數千入紮  
於城北之冷風口次日營潰黃倫元梁占鰲旗殲邑  
宰羅錦章亦中礮歿高天澤奔回兵民生還者不及  
半越三日大股賊撲城四山皆黑直抵城脚民屋宰  
豬歌飲城幾陷平安營團首黃槐自往鷄場求援至  
笑擊走之因始解自是賊不攻清城而專攻鷄場圍  
又火攻燕子硎麻拐硎俱破戕害幾盡舟溪一硎凱  
里以軍接出途中被逆苗截殺甚衆凱里唐蔣二姓  
招練數百名僅能守城二十三日承觀察因凱告急

遣守備王定臣帶軍千餘援凱盈護送丹江廳黃到任至凱城俱止不能行八月初承觀察因唐人鑑張是之請遣兵數百名率城中難民由樂綿一帶搶割田畝頃之牛角聲响賊眾突出兵練潰死傷不少九月十八教匪起事鷄場團瓦解清邑由省大路從此荆棘十一月廿八日賊以平安營會夜燒賊寨故圍之自長至未不克解圍去適遇軍餉到途劫之管帶防守局練丁陸典史遇難兵民同時死者四十八人客商貨物填塞道路十二月初六日承觀察圖協戎率部下退紮平越清水江賊勢由此益張平甕龍貴

地方隨被擾而都勻麻哈八寨教匪蜂起清平勢更  
不可救二十四日王定臣在凱以承軍退故亦率兵  
線轉清霄雪涉龍頭渡逆苗乘其凍餓沿途截殺貴  
陽營千總顧世均死於馬鬃嶺王定臣至青崗均亦  
遇害兵民同日斃命者千餘人六年五月平越羅均  
劉文魁率隊入援護民出城奪賊糧甚多民命賴以  
苟延有隨之逃出免難者六月恒制軍翼長陳得功  
由標哈繫鷄場未幾援營還賊勢愈猖厥七月初九  
日凱城糧盡食糠食皮鞋甚而食人遂隕縣丞陶文  
亮代理都司黃衛千總麻把總張春年外委包金華

均死之八月十六爐山泚糧盡失守外委王占魁舉  
家自焚遭害慘難盡述九月十一日平安營以凱爐  
不守糧盡潰圍出走營陷於賊十月初十日清平城  
以糧盡陷殺戮人民殆盡西門屍積如山各門尸橫  
遍地馮家塘泮池齊生池婦女投水者屍積後至此  
以頭攢屍隙死男女殫免於死間有爲教匪保去者  
有爲獐狍高貴富家保去送出者殺戮之餘婦女均  
被剥赤身而逃有帶傷輕重不等者有幸得完膚者  
各扯草一束圍下體逃至平越鵠面烏形各無人象  
悲夫訓導黃錕典史李安圻把總王洪杰紳士張昱

等均死之外委梁占魁赴清水江營後陣亡縣官秦  
嗣賊中後由王屏韓觀察營出回籍而清邑竟成賊  
窟幾二十年雖其間前有孝將軍順後有趙軍明德  
光之才勇公忠張中丞之幹畧均以糧餉支絀而亂  
不可戢功不可成嗣江南大股賊滅各省安靖華會  
中丞黎方伯林廉訪和衷共濟又得川楚兩軍援勦  
黔有張軍門林軍門何鎮軍各軍克復龍貴都勻等處  
楚軍席統領率蒙黃鄧蘇各軍由清江進勦台拱丹  
江古州凱里屢次惡戰大挫賊鋒川軍唐劉統領由  
平雍進勦黃平重安清平平等處賊勢已衰而川

軍又退辛未年周軍門由川統軍前來孤羅鄧鍾簫  
楊張吳各軍分頭勦洗勻麻八寨清黃等處是時賊  
無糧斗米貳千文勢窮感紛紛投降楚軍已據凱里  
周軍營務府曾由拔茅隆昌淑里扼紮下司鍾鄧楊  
張各軍圍爐山賊聚於大坳牛角坡一帶曾軍過江  
曾同各軍擊破之賊遠竄餘盡降壬申五月爐山平  
清邑全境始底定焉後雖古州復亂丹江再失凱里  
屢驚而防營碁布星羅終不使冷灰復熾雖曰天意  
豈非人事哉。

嘉慶元年三月

四



祥異

椽木繁花一竹雙箭清平往事也夫祥異無定德則異亦爲祥不德則祥亦爲異在守土者之修省而已卷中豐穰祥異必書水旱盜賊必書亦一邑得失攷鏡之林也詎以其無定而闕之

明

正統十四年己巳夏饑

天順三年己卯城樓災延至公署

宏治六年癸丑大水 七年甲寅疫

正德三年戊辰大有年 八年癸酉虎患 十二年

丁丑饑

嘉靖元年壬午大有年 十八年己亥隕霜殺稼

十九年庚子荒 二十五年丙午大疫 二十七

年戊申荒 二十八年己酉春芝草生秋旱蝗詔

免秋糧

隆慶三年己巳瑞竹生

萬曆七年己卯大有年 十五年丁亥大荒 十七

年己丑冬雷雹交作 三十九年辛亥虎入城傷

數人斃三人 四十六年戊午旱疫 四十七年

己未大疫

天啓二年壬戌有年

國朝

順治十六年己亥大旱 十七年庚子大荒

康熙三年甲辰南關災 九年庚戌東街災延燒數

十家 十三年甲寅春日鬪凡三見 二十年辛

酉大雹折木 二十三年甲子大水 二十六年

丁卯大水 二十九年庚午城東慶雲見 三十

年辛未虎患傷人 四十二年癸未千葉石榴結

實

雍正五年丁未天炮響 六年戊申野竹結實人取

粒救荒 十二年甲寅虎傷縣西北六十三人縣

東十七人

乾隆五年庚申虎入民家傷人凡十餘處凱里九頭

鳥叫

六年辛酉有年慧星見西北 九年甲子

春大水拔樹

十三年戊辰旱

十六年辛未虎

聚南關外魚冲夜入城傷物把總李如玉率兵民斃其一餘七爲獵戶所斃患始除 二十年乙亥

夏有流星自南而北其光竟天同時天炮響天鼓

鳴

二十二年丁丑戊寅己卯屢豐年 三

十年乙酉六月凱里爐山地震

三十二年丁亥

三月虎夜入大風洞某家啣斃一人去 三十六

年辛卯大荒斗米千二百錢餓莩相望燕麥斷種

三十八年癸巳虎傷人最多 五十一年丙午

邑城李樹結扁豆實夏大水東門壩田衝壞無數  
萬湖望城坡中裂近山十餘里田畝白沙如練又  
九月袁姓莊田山移塞水一夜成巨浸中有魚物  
五十二年戊申八月天炮響天鼓鳴

嘉慶二年丁巳正月南門火八月復火延燒十數家

七年壬戌夏旱荒斗米銀一兩四錢 二十四

年己卯春旱饑七月二十五日卯時地震未時微

震慧星見凡二十餘夜 二十五年庚辰夏旱饑

道光元年辛巳夏旱饑先是歲饑貧民採取蕨根搗

爛淘汁凝成米粉煮食至此蕨盡爭以麻根野菜

根橡樹子製法如蕨拌糠食人多流亡 二年壬

午甘露降雙榴雙茨藜實有年 十一年辛卯四

月二十七日蟲擺坡洞犀出蹄圓眼赤毛類水牛

十四年甲午豺狗傷人甚多 十七年丁酉七月

初七日有流星自東而西其光竟天 十八年戊

戌翁簸莊田產嘉禾一莖兩穗 十九年己亥西

城災沿燒數十家至古百菓樹而止 二十三年

癸卯大旱四月旱至九月方雨 二十四年甲辰

又旱是歲饑 二十五年乙巳六月舟溪大雹摧

折竹木 二十六年丙午有年 二十七年丁未

亦有年 二十八年戊申夏旱饑人有掘田中災

菇食者大雨雹南鄉洛廣形如杯大房屋皆壞林

木爲摧行人遭之立斃 二十九年己酉慧星見

西方觀音坡半山蛟赴長江民屋田產形雖移不

爲害 三十年庚戌清邑小街火沿燒數十家

咸豐元年辛亥東方慧星見 二年壬子慧星亦東

方 三年癸丑有年東北俱有慧星光芒如鬥

四年甲寅大有年 五年乙卯三月大風洞雹折  
木壞屋李樹結扁豆四月白蛾 飛自東而西三  
五日不絕五月凱里以外黑苗變丹八台黃應之  
自此至同治辛未域歸化外無復紀錄矣

同治十一年壬申賊初平饑斗米千錢 十二年癸  
酉野豕爲患害禾稼洛仲堡被其嚙斃者二人十  
一月善後總局災延至北街幾及縣署而止 十

三年甲戌清邑又災由小街口達中街右側街房  
灰燼五月東方慧星見八月排洛梁姓田產嘉禾

一莖三穗



光緒元年乙亥五月蒲節地震李樹結扁豆六月大風七月旱八月隕霜九月虎夜入城食民豢豕

二年丙子 三年丁丑連年野豕害稼 四年戊

寅大有年冬旱多大風 五年己卯正月舟溪災

沿燒數十家頃刻灰燼閏三月夜多大風土蠶害初種包穀冬月十五燒凱里城內房屋幾盡盈燒

斃小兒 段邑侯請就地方籌款賑之 六年六

七月旱田禾多稿有不須割者八月內清四鄉六

水壞田甚多九月仍燒凱城內居民如前惟西門未被火後數日仍燒之盈傷斃客商數人 陳邑

侯發米一百四十石賑之後

上憲發賑濟銀二百兩

雜記

昔人於天地人物志外另志雜記凡以事屬不可缺而與諸志又絕不類故謂之雜記清平如蟲毒毒草冥報脆蛇諸類識之可遠患害廣見聞而天地之大人物之變胥在其中矣

香爐山之陽有穴焉深可二三丈再深則倍之於是躡其塹勘其牖捶其塹而後影見焉或仰以升或俯以縋偃僂焉手與膝竝也籩篠焉足與尻張也又虞土之崩也木度搯之火之迷也松肪照之而後鉛獲焉其質鉛其狀石也於是春之淘之炙之

是志卷五  
鏹之凡蟲毒之中人浸磨取其汁而飲之功與藜

荷葉等見省志

山南五溪黔中皆有毒蛇烏面反鼻蕃於草木中其

牙倒勾去人數步直來疾如激箭螫人立死中手

卽斷手中足卽斷足不然則全身腫爛百無一活

謂蝮蛇也有黃喉蛇好在茅舍無毒不害人惟善

食毒蛇食飽垂頭直下滴沫噴起變爲沙虱中人

爲疾額上有大王字衆蛇之長常食蝮蛇見省志

脆蛇長尺許圍如錢嘴尖而尾禿背黑腹白暗鱗點

點可翫生黔地伏草澤間出入往來恒有度捕之

者置竹筒於其徑候入其中急持之方完全稍緩則自碎故名脆暴之使乾已風去癘視其身之上中下以治人之頂腹脛足罔不效見省志

黔有斷腸草叢生根如商陸葉類蓼而大莖有節當心抽花藥數十作蕙花淡紅色久漸赤子離離似桑椹毒能斷腸又有小鳥綠衣烏嘴似倒挂么鳳軒輊才五銖極可玩蓋斷腸鳥也嗜啄斷腸花子採而飼之可以活詳省志

簾笙每歲孟春苗之男女相率跳月男吹笙於前以爲導女振鈴應之連袂把肩宛轉盤旋各有行列

其笙截簾爲管者六通其節而櫛比之長者四尺  
以次而殺短至三尺參差若羽竅其短者孔六以  
達於長以指捫之若撚笛然又截竹徑尺衡縮於  
六管之銜而吹之一呼一吸聲如駕鵝之嘹漢每  
至看場旣圓歡情欲洽則遲其聲以媚之長管之  
上冒以匏短管之中置以簧簧用響銅爲之恒用  
火炙亦古制也 詳省志

蕺草卽燻麻有紅青二種黔蜀有之生於籬落溪涯  
間葉類麻多毛刺螫人手足腫痛不可忍杜子美  
所謂草有害於人曾何生阻修其毒甚蜂蠆其多

彌道周是也然土人采之沃以沸湯則可已瘋亦可肥豕世固無棄物哉詳省志

牟桃藤田山薑先生初未之識一日治南堤患其石之不固匠氏治巢蔓至白日用此之汁以合石粉膠漆不啻也問其名則爲牟桃藤卽詩之萋楚也

詳省志

蠱毒各種苗婦爲之有蛇蛙毛虫三蠱染蛇蠱化蛇腸胃中噉精血命隨斃蛙及毛虫亦然治先藥洗染者四肢辨蠱用藥獲痊治宜早遲則無救置蠱伎倆必暗置食物中不食無害其蠱人不緣財氣

不因愛憎素不精關亦蠱之時不能蠱外人夫子  
兄弟皆蠱之蓋不蠱人蠱卽傷己夷苗心性行事  
出於情理外如此

增輯中蠱者若知其人卽去其家扯屋上草五株並  
折屋門上或竹片或木枝掛伊家之火回來將茅  
燒化於水中飲之立止痛然必得藥服除其根方  
得安全

冥報格疊王世泰素俸佛朔望戒葷酒病卧忽見鎮  
遠二差來提尾之至衙官升堂傳驗世泰跪案下  
見棹圖左角燒壞聞官喚來差怒曰命爾提格哲



王士泰爾何提格疊王世泰各責四十諭泰云念  
汝善良壽未絕嗣後須守正復命前差送回路過  
觀音坡見素識人在店酒肉泰和差插身飲食抵  
家聞妻哭駭而復蘇問哭故妻具道氣絕已一晝  
夜泰回憶前事厯厯在目疑信參半親至鎮遠府  
城隍廟驗看棹圍果燒壞問熟識人觀音坡酒肉  
時日罔不符合

屍變舟溪一帶山苗有之變從墳穴出遊行荒野以  
遍體生毛路逢人及花果必唾涎沾人人變沾花  
果人悞食亦變治用大鐵條燒紅或木椿釘心坎

否卽刀挺交加不能除

葛拱黑苗家有特牛鬃色角周正一日苗使小兒牧牛舍傍豺至欲嚙之牛輒以身護兒力與之搏豺左亦左豺右亦右疾鳴不絕聲苗聞往視豺蹙跟遁去牛始出兒於胯下不復鳴噫急難仁也庇主義也牛亦藉智勇以成之異矣

